

HEBIRAIO

Papia i mitiñic eki me eki qârenkewec i mi manangopeneg. Mâc Paulore babafic-fâc jañeraonec moczi qârenkewec i sawa manangopeneg. Ñic gâcne jage Apolozi mecne qârenkewec, â gâcne jage Banabazi qârenkewec, iguc mueggopien. Papia rune ine Palestaiñ mârenkonec Judaiñ Miti Opâ rua-jarekicne jage. Hebiraiio i Judaiñ jañere zâñe ranqa moc. Papia qârenkewec mitiñic eki Itali mârenko juhuc qârenkewec (**ganj 13:24**). Timoteo kâpâcwârû fickonec wahawec dameñ ira qârenkewec (**ganj 13:23**).

Palestaiñ mârenko Judaiñ gâcne Jesure kikefun erâ juhapie fai-jenicko zika kâpâcwârû feme bugâpâcko jumbiñ. Moneñ mafa i wâc jowac rokiçne (**ganj 10:32-34**). Eme pâràckehuc ziguc mumbiñ: Miti qâricne bajuhapene fific guguriñ boc enârengopien. Irec miti qâricne beherâ ranqane sawa bajuñuc mâtegne junzepeneñ (**ganj 4:4-6 â ganj 10:26-29**). Tucnezi biac mitire tutumañko mocwâc mi fisihuc qâoma embiñ (**ganj 10:25**). Ine hâcne, Jesure hata râpeckerâ Judaiñ hata ranqa-jenig i mocwâc âtezo mumbiñ.

Eme mitiñic papia qârenke-jarewec eki bufac qajarehuc dân ziguc qârenke-jarewec: Jesurao qohota sanankehuc miti kiki papañ jaha bajujo (**ganj 3:1 â ganj 10:23**). Ehuc qâoma rorokac tâmiric juzo (**ganj 10:19-25**). Â Jesure ziguc qârenkewec: Jesu e miti fârine jâmbân bâfua-nârewec. Mârâc jaha mitio wiac ewarekicne i sahacne sawa. Jesu e fekiçne sâko, porofete â anelo jañere ere wahacmicne sasawa (**ganj 1 â 2**). Mose â Josua jahe Jesure wahamicne (**ganj 3 â 4**). Taha bapa ñic jage sâqocne mutâmireninçe tâpiri mi fojarewec. Qowi bâzi rikembiñ irec fârine mi muzo, i mâc sâsâc ekicne. Jesu e taha bapa sâko fârine, eki kiñnânecte kiwiric rome tarawec (**ganj 4-10**). Mitiñic guru sâko mârâc jaha mamanasinhec juhuc sanankebmiñ jañerao findendeneñuc qicwânzânhec erâ juzo (**ganj 11 â 12**). Erâ miti qaqazu â micne bapa hata âte-nârembiñ, iñaha âte raku hae ñeje sanan bâfua-nârekicne, ira fisizo (**ganj 13**).

Jesu e miti mujañgenke-nâre tarawec

1 Anutu e mârâc jaha porofete ejareme jage mimiñnefâc-nâñec dân hawarine fuñne fuñne â hatane fuñne fuñne jaza warekuhapie
² ine zâhec tataranao, dameñ zira hâcne, Ñokâ ecneme dân nâzâwec. Ñokâ e wiac sasawa irec rune juocce mucnewec, ehac hâcne wiac bâfua-fârepic.
³ Anutu eri tatamac-ticnere qâreñ erao fuawec fokacte â juju-ticnere sâc juekacte tâpiri dânñicnezi wiac sasawa dope siñsiñ ecneha foekac. Eki sâqocne zure bataniñ gie bafârerâ faic fekiçne sâko ere fâreo fewec ñekac.
⁴ Anelo hucjopa-fârewec jukac, irec sâcko anelo zâñe siricke-fârehuc zâñe fekiçne hotâckewec.

Anelo jañere wahakicne, Ñokâ e fekiçne

⁵ Anutuzi mo anelo mo kecziñuc moc âzâcnewec:

1:2 Mi Mâ 2:8; Joh 1:3; Kol 1:16; Mat 21:38 1:3 Mi Mâ 110:1; Kor II, 4:4; Kol 1:15; Mar 16:19;
Heb 9:14, 26 1:4 Fil 2:9 1:5 Mi Mâ 2:7; Sam II, 7:14; Heb 5:5; Apo 13:33

"Go hâcne ŋokâ-nane,
no miŋecgac bâfuacgukopac"?

Me kecziŋuc:

"Noni Mamac ecnerâ jupemu
â eki ŋokâ enarerâ juzejec"?

⁶ Moc ine juku mârâc fufua e mâreŋko râeme wahacmu irec dâŋ ziŋuc muwec:

"Anuture aŋelofâc jaŋe dienzi hecne-fârenzepien."

⁷ Aŋelo jaŋere kecziŋuc mukicne:

"E aŋelofâcne hawari-jeŋic bâtikieme mârâŋ eengopien,
â kiŋaŋ qaqaŋcne hawari-jeŋic bâtikieme zocbârŋ eengopien."

⁸ ŋokâre ine ziŋuc mukicne:

"Anutu go ŋicwofuŋ ŋeŋeŋe i ŋeŋe sanan ŋeraziŋuc juocmu,
â ŋicwofuŋ gunuge i bâbâtiŋ gunu bian.

⁹ Go tiŋnere egareekac â hehesic ine râsi ecneekic.
Irec Anutu, gore Anutu, eki zeri wokemaŋ rua-garewec,
i âgofâcge jaŋere sâc jâuruhuc rua-garewec."

¹⁰ Moc ziŋuc mucnêkicne:

"Wofuŋ go fufuŋkenao mâreŋte hobeteŋ râemeŋ,
â sambâŋne sambâŋne jaŋe megere qârêŋ.

¹¹ Jaŋe siroweniŋmu, go ine jusanankekic,
jaŋe ŋaqi iŋucne raŋqankeniŋmu.

¹² ŋaqi iŋucne epie goki bataforiec-jopacmu,
eme jaŋe hawari moc eniŋmu.
Goki ine juekic ijaha juekic,
â jara damenŋe i moc mi taraocmu."

¹³ Anutu e mo aŋelo mo ziŋuc moc âzâcnewec:

"Ware fâre-naneo ŋehanŋtec
râsifâcge guruc-jopape
kikegere ââtesin enzepien"?

¹⁴ Aŋelo sasawa jaŋe mârôzi kiŋaŋ qaqa, ŋic bâbâpiaŋ rauckeninŋte mukicne jaŋe bafic-jopaninŋte sorec-jopakicne.

Bâbâpiaŋ dâŋ mi qikiŋnezo

2 Irec nârâc ma bâtiringipenŋe dâŋ manamben i mocwâc paŋzâic mana sakac enzepeneŋ. ² Aŋelo mickonec dâŋ mukicne i mupaŋkekicne, eme huhucke â qaqaŋara fuame okacnehec ejujec, ³ izi wemocko bâbâpiaŋ dâŋ fekicne qikiŋnepene okacmâc foocmu? I Wofuŋ e jahac qanaŋ mufuawec, eme hazec fâri-jeŋiczi manambiŋ jaŋe muwarekupie sananŋe-nârewec. ⁴ Ehame Anutu e jahac wâc mâsi â tâpiri wiac zâŋe furu bâfuahuc dâŋ i dopeckehuc Tiri Mârôre taha bian manawec sâc kâdoc qajarehuc feŋen râecnewec.

Jesu e damen bembegne aŋelo jaŋere wahamicne juwec

⁵ Hae mâren zâhec fuaocmu, dâŋne mungopenenŋ hâcne, i Anutuzi aŋelo

1:6 Rom 8:29; Mi Mâ 97:7 1:7 Mi Mâ 104:4 1:8 Mi Mâ 45:6, 7 1:10 Mi Mâ 102:25-27
1:13 Mi Mâ 110:1 1:14 Dan 7:10; Mi Mâ 34:8; 91:11 2:2 Apo 7:38, 53; Gâl 3:19
2:3 Heb 10:29; 12:25 2:4 Mar 16:20; Kor I, 12:4, 11

jaje gurigne banigte mi muwec. ⁶Mitijic moczi irec dân mutanigkewec ine ziguc:

"Go gic e wemomac-ticnere manasucneekic,
â gicte qâric e wemo-ticnere hone maig ecneekic?

⁷Go damen gonden bembegne mac ajelo jajere
wahamicnao juocte mucnemej,
go tatamac â zâje bigezi erickemej,

⁸ehuc wiac sasawa kike-ticnere rumamko râemej."

Anutu e wiac sasawa gicte rurumanko râewec, i bâtâc mi bahuc wiac furu jaha qikignecne-fârewec ekac. Damen ziguczia ine wiac zengoma gicte rurumanko guruckekicne/i mi honeengopeneg. ⁹Jesu ine honengopeneg, e damen gonden bembegne mac ajelo jajere wahamicne juhuc hâmocte zâic manawecte tatamac â zâje bige tahackekicne hâporâ jukac. E Anutuzi aki anonoc enâreocte mume hâmoc hâtâne gic sasawa nâgâcnere erâ manawec hâcne.

Jesu e qafâc-ticne munâreocte maname mi qunkewec

¹⁰Wiac sasawa irec rune â bâbâfua e naru motecfâcne bocjaha eri tatamac-ticnao jowac-jopaocte manasuhuc bâbâpian-jegicte micne bapa e zâic sererej gie baku mao fisiocste mucnewec i sâcne-hâmoewec. ¹¹Eme manfuru bacjopakac e mecne â furu bacjopakicne jaje mecne Mamac-jenig mocjaha, irec qafâc-nane mujareocte maname mi qunkeekac.

¹²Dânticne ziguc hâcne fokac:

"No zâje bigege qafâc-nane muromacke-jarepe,
kikefuj guruo zeri mumuten egarepe."

¹³Erâ moc ziguc:

"No erao roweckehuc jupemu."

Erâ moc ziguc:

"Zi no erâ Anutuzi gie guru narewec nâje mâmâc jungopeneg."

Jesu e nâgâcne sâc ewecte sâcne bafic-nâpocmu

¹⁴Eme gie jaje sa hac biuchec sasawa juengopientje eki ijaha wâc rowec. I e jahacne hâmoczi hâmoc rune Satâj hâcne tâpîri-ticne qame goronkewecte, ¹⁵erâ wâc hâmocte hâhâwiczi nigigj-jopame damen-jenig sâc kâpâcwâru ficko nejumbieg jaje batarac-jopaocte iguc ewec. ¹⁶Wiac i ajelo kime dopec mi eiareekac i, e Abrahamte qâricfâc nâgâc kime dopec enâreekac. ¹⁷Eme ¹⁸âc hâcne qafâc-ticne jagehec sâc mocjaha jâmbâg eocte mucnekicne, hatane gâcne moc mi fowec. I taha bapa sâko urucne â hazec hâricne erâ Anuture maio taha gie bahuc gic gokac nâgâcne sâqocne zure tâmireocte iguc ewec jukac hâcne. ¹⁸E jahac zâic manahuc eesâicko raziwecte gic eesâic fua-nâreha sâcne bafic-nâpoekac.

2:6 Mi Mâ 8:4-6 2:8 Kor I, 15:27 2:9 Fil 2:8, 9 2:10 Rom 11:36 2:11 Mar 3:34, 35;
Mat 25:40; Joh 20:17 2:12 Mi Mâ 22:22 2:13 Jes 8:17, 18; Sam II, 22:3 2:14 Tim II, 1:10;
Joh 12:31; Bar 12:10; Kor I, 15:56 2:16 Jes 41:8, 9 2:17 Mi Mâ 22:22; Fil 2:7
2:18 Heb 4:15

Jesu e Mosere femicne

3 Mitigic âgofâc-nane, sambânte mâmâc hefârec-gopakicne, gonge miti kîng njic â taha bapa sâko Jesu, zângene murâ rereg eengopeneg, erao findendenzenzepieg. ²Eki gie runere mume rereg juwec, Mosezi Anuture ficko juwec irec sâc juwec hâcne. ³Fic baekac ere zâge biñezi fîcte zâge biñe jâuruekac, sâc ijaha Jesu zai zonzon-ticnezi Mosere sirickekac. ⁴Ficne ficne i bâbâfua-ticnehec, wiac sasawa irec bâbâfua ine Anutu. ⁵Mose e Anuture ficko jufârehuc mume rereg gie bawec, i dâg zâhec fufuanere biñe muocte kîng qaqâ juwec. ⁶Kristo e ine ņokâzi fic rune jukac. Ficticne nâgâc hâcne. Erâ i mâc mâcne, wiac biñe qanârekicne irec mamanac pangâic â bubiango juhapene taraocmu, ine ficticne engopeneg muzo.

Israe njic manşanaŋ embiŋ iŋuc mi ezo

⁷Irec Tiri Mârozi dâg zînguc muwec i nâgâcne biñe ekac:
 "ņonge miŋecgac dânticne manangopienko,
⁸tuhuo eesâic fuame aaricko ekicne,
 manşanaŋ iŋuc mi enzepieg.
⁹Mimigñefâc-njic jage ira wiac bapa-nane jara 40 honembîŋ,
 erâ sifu pepecne enarehuc'esâicnumbîŋ.
¹⁰Eme no irec manape gâpâreme jaŋere zînguc mupo:
 'Jage manjeniczi raŋqa raŋqa qâsorieengopieg,
 jage nore hata moc mi hone manac embîŋ.'
¹¹Iŋucte kimbeŋ qajarehuc mumupaŋ dâg zînguc mupo:
 'Jage nore jujumana hae mâreŋko moc mi razinzepieg'."
¹²Âgofâc-nane, gongeraonec moc e miti qikigñehuc maŋ gâgâpâc erâ Anutu jujune râpeckeacte sonaŋ babac ehuc junzepieg. ¹³Erâ zoagne zoagne miŋecgaczi miŋegac forahuc juocmu sâc faŋ qaqac enzepieg, sâqocnere eeatuczi gongeraonec njic moc ecneme maŋbâzic ezackohec.

Israe njic jaŋere manasurâ hâwic-nâpozejec

¹⁴Nâgâc Kristore miti kâdoc babaju, ine fuŋkehuc manasiŋkembeg mamasasiŋ i paŋnea bajuku mao fisinaŋmuzi engopeneg. ¹⁵Dâg zînguc fokac:

"ņonge miŋecgac dânticne manangopienko,
 aaricko ekicne, manşanaŋ iŋuc mi enzepieg",

¹⁶ine weni jage dânticne mana-bipiehuc aaric bâfuambiŋ? I mockoneczi mâcne, Mosezi micne bajareme Aigita mâreŋkonec warembîŋ njicguru i sasawa jage hâcne. ¹⁷Me weni jaŋere Anutuzi maname gâpâreme jara 40 tarawec? I sâqocne bahuc mâreŋ tuhuo hâmo sipiric embîŋ jaŋere hâcne iŋuc ewec. ¹⁸Erâ weni jaŋere mumupaŋ dâg zînguc muwec: Nore jujumana hae mâreŋko mi razinzepieg? I dânticne qahuc jumbiŋ jaŋere hâcne muwec. ¹⁹Irec zînguc honengopeneg: Jage miti qiqikîŋ-jenict e qunkerâ mi razimbîŋ.

3:1 Heb 4:14 3:2 3ar 12:7 3:5 3ar 12:7 3:6 Efe 2:19; Kol 1:23 3:7 Mi Mâ 95:7-11
 3:8 Wah 17:7; 3ar 20:2-5 3:11 3ar 14:21-23 3:13 Tes I, 5:11 3:14 Heb 6:11; 11:1
 3:15 Mi Mâ 95:8 3:16 Wah 17:1 3:17 3ar 14:29; Kor I, 10:10 3:18 3ar 14:22, 23

Jujumana hae mâreŋko fisinaŋte munârekiecne

4 Jujumana hae mâreŋ-ticnao razinaŋte mukicne, bigedân i mi hetâtieme omaewec, irec ɣɔŋeraonec moczi hatao sifuckezacte mezac-nâpozejec. ² Bige bian dâŋ jaŋe jazakicne sâc ijaha nâŋâc nâzâkicne. Jaŋe ine dâŋ i manarâ manjeŋicko mi râepie hurâ fowecte jaŋerao fârimâc ewec. ³ Nâŋâc miti mana zakieengopenenŋi jujumana hae mâreŋko razieŋ-gopenenŋ. E zɔŋuc muwec:

“No kimbenŋ qajarehuc mumupaŋ dâŋ zɔŋuc mupo:

Jaŋe nore jujumana hae mâreŋko moc mi razinzeŋieŋ”,
i mâreŋ hobeteŋne râehuc wiac sasawa bafârerâ sifu iŋuc muwec. ⁴ Irec 3oan namba 7 irec dâŋ moc zɔŋuc muwec: “Anutu e wiac sasawa bafârerâ 3oan 7 ira jumanawec.” ⁵ Ehamē faic honembeneŋ ine zɔŋuc muwec: “Jaŋe nore jujumana hae mâreŋko moc mi razinzeŋieŋ.”

⁶ Eme zi ɣic gâcnezi jujumana hae mâreŋko rarazinere hata fokac jaha, â mârâc rarazire bige bian jazakicne jaŋe qikiŋnehuc mi razimbij; ⁷ irec “miŋecgac” zâfo i mocwâc bahuc zâhec Dawidire micko dâŋ mupac i râeme zɔŋuc muwec:

“Ŋoŋe miŋecgac dâŋticne manangopienŋko
manbâzic mi junzeŋieŋ.”

⁸ Josuazi jujumana hae mâreŋ fârine bâfua-jareme muzac, Anutuzi zâhec dameŋ mocte mi muzac. ⁹ Irec zɔŋuc mananzepeneŋ: Anutuzi ɣicfâc jaŋere jujumana hombaŋ moc fokac. ¹⁰ Anutuzi gie batararâ jumanawec, iŋuc jaha ɣic moc Anutuzi jujumanao raziocmuzi gie-ticne hetararâ jumanaocmu.

Anutu dâŋticnere fuŋne

¹¹ Eme nâŋâcnaonec moczi docke sâqorec erâ ɣic mârâc qaŋatara hata âtembiŋ ijaha âtezacte jujumana hae mâreŋko razinaŋte 3oŋac enzepeneŋ. ¹² Anutuzi dâŋ i jujuhec â tâpirihec, erâ sâŋe moc bune râpene micnehec irec sâc jâuruhuc mictara jâmbân. Izi nâhuku qâqâtâc â maŋ, bibiric â siec wamboŋ zuzuhuc-jeŋic nâtâcneekac, ehuc maŋte mamasasu â mîmana wosâc irec fuŋne bataniŋkeekac. ¹³ Eme wiac bâfuakicne moczi moc Anutuzi maio soŋsoŋ mi foekac, erao wiac sasawa tâtâc â foŋ tâmiric foekac. Eao hâcne dâŋgie bananŋmu.

Jesu taha bapa sâko-nâŋec e maŋafec jaha iqickenzeŋeneŋ

¹⁴ Taha bapa sâko hahannehec moc junârekec, e sambân fotâcne-fârerâ fewec jukac, Jesu Anutuzi Ŋokâ hâcne, eme iŋucne junârekacte zâŋe-ticne murâ rereŋ enzepeneŋ. ¹⁵ Erâ taha bapa sâko-nâŋec e dodocne enâreme hone qâoma mi enâreekac, nâŋâcnao eesâic fuaekac iŋuc jaha wâc erao eesâic fuŋne fuŋne fuawec, eesâicko dodocke mocjaha ine mi ewec. ¹⁶ Irec nâŋâc aki anonoc ɣeŋe rowaŋnao maŋafec jaha fisihuc junzeŋeneŋ, eme wiac izi me izi maic maic-nâpoha eki buuruc enârehuc aki anonoç-ticnere erâ bafic-nâpozejec.

4:1 Mi Mâ 95:11 4:4 Fuf 2:2 4:8 Sâc 31:7; Jos 22:4 4:10 Bar 14:13 4:12 Jer 23:29;
Jes 49:2; Efe 6:17; Joh 12:48; Bar 19:15 4:14 Heb 3:1; 6:20; 7:26; 8:1; 9:11 4:15 Heb 2:17
4:16 Joh I, 3:21; Rom 3:25

Jesu e zâic gie bakume Anutuzi taha bapa sâko âkendânnewec

5 Mârengic nâgâcnaonec taha bapa sâko rowosâec-jopakicne sasawa jaje gic jâgere erâ Anutu fuacnehuc kiŋ bahacte taha bâzi rikecne-niŋte râec-jopakicne. ²Taha bapa igucne e jahac gic dodocne jukacte gic mutucne â qâsoriekicne sâcne urucne ejareekac. ³Erâ fuŋne igucte gic jâgere kiŋ bahacte mecne â e jahacne mâmâc taha bâzi rikeocte mukicne. ⁴Gie fekicne i gic moczi maŋticnere mi rorâ bapane, taha bapa gic moc e Anutuzi rowosâerâ gie mucneme sâcne baocmu, Aroŋ iguc hâcne ecnewec. ⁵Eme Kristo e iguc jaha e jahacne maname fefene eha taha bapa sâko mi ewec, i Anutuzi ziŋuc muhuc mucnewec:

“Go hâcne Ŋokâ-nane,
no miŋecgac bâfuacgukopac.”

⁶Erâ dâŋ moc ziŋuc muwec:

“Goki Melikisede ere sâcko
taha bapa jurazihuc jucmu sanaŋ.”

⁷Jesu e mâreŋko juwec dameŋ ira, hâmockonec bataraocte tâpiri focnewec, erao numuhuc kio wâwâsic kâcŋene ecnewec. Ehuc Anutu araŋ bacnewec-te manacnewec. ⁸E Ŋokâ juwec, erâ sifu zâic gie baku micrerenge fuŋne mana tarawec. ⁹Erâ wiac emataucke-fârerâ mume rerenfâc-ticne sasawa jâgere bâbâpiaŋ tatara tâmiric bâfuawec. ¹⁰E hâcne taha bapa sâko erâ Melikisede ere sâcko juocte Anutuzi mucnewec.

Qiemang mi juzo

¹¹Irec dâŋ bocjaha fokac, erâ ŋoŋe hazecfâŋ jungopienŋe ŋaza mutâc epemurâ manape ŋemâckekac. ¹²Ŋoŋe dameŋ zora miti mana wareeŋ-gopienzi gâcne qazu-jarepie sâckezac; eme igucne ŋoŋe miti maine i mocwâc qaqazu-ŋarenere sâc engopienŋ. Ŋoŋe nânâ sanaŋnere sâc aricne, susu nânâre sâc sawa jungopienŋ. ¹³Susu nâengopienŋ jaje ine qiene mujarezo, igucnezi dâŋ fârine wemocko mana taranigmu? ¹⁴Nânâ sanaŋne i sokakicne jâgere biŋe, maŋ mamanasu-jeŋic fua tâcneme bianŋe â sâqocne mana wosâeengopienŋ jâgere biŋe hâcne.

Anutu behe sanaŋkerâ maŋ bâbârisie mi fokac

6 Irec nâgâc zi Kristore dâŋ maine, fufuŋkeo mumune, i râepene foha dâŋ hukicne, wiac efehuc mumune, i moc zuhuckenang. Wemocte miti hobetengne i hâsine râehuc maŋ bâbârisie â juu raŋqa bebehe â Anutu mamasinaŋ, ²â Miti Opâ â qizecko me rârâe â hâmockonec fafahare â bâtâc sanaŋ irec dâŋ mocwâc fuŋkezo? ³Anutuzi maname sâckeme dâŋ moc zuhuckenang.

⁴Ŋic mitizi maŋjeŋic batamaeme sambâŋkonec nânâ nâhonembig â Tiri Mârohec embig, ⁵erâ Anutuzi dâŋbian â juu sanaŋte tâpiri mana aŋac embig, ⁶gic igucne jaje miti behe sanaŋkehuc Anutuzi Ŋokâ jâgacne maŋte mocwâc mariponko qahuc mamakâc ecnepie mitio bâbârisiec-

5:2 Heb 4:15 5:3 Tah 9:7; 16:6 5:4 Wah 28:1 5:5 Mi Mâ 2:7; Apo 13:33 5:6 Heb 7:1;
Mi Mâ 110:4 5:7 Mat 26:39-46 5:8 Fil 2:8 5:9 Jes 45:17; Joh 17:1, 5 5:12 Kor 1, 3:1-3;
Pet 1, 2:2 5:13 Efe 4:14 5:14 Fil 1:10; Rom 16:19; Fuf 2:17 6:1 Heb 9:14 6:4 Heb 10:26, 27;
Mat 12:31; Joh 1, 5:16 6:5 Pet 1, 2:3

-jopane mi fokac. ⁷ Mâreŋ moc hoezi gâbâ hehuc bâgunuckekume, ȋc sara mamac eengopien jaŋere biŋe nânâ monzaŋ bâfuaekac, i Anutu jambuŋ-ticnere fârine fuacneekac. ⁸ Â mâreŋ mocko hofâ qinziŋ sawa fuaocmu, ine fârimâc ekacte sâwec fâreme juku zoczi zaocmu.

Qicwânzân erâ juju

⁹ Âgofâc, no dâŋ mukopac i ȋŋe sipirickeniŋmu manahuc mâcne, mitio bianke-hâmoniŋmu, iȋuc manahuc mukopac. ¹⁰ Anutu e eesifucne mâcne; ȋŋe ere erâ ȋcîfâc-ticne hone bafic ejarehuc jaŋu 'bacjopambiŋ erâ eengopien jaha irec wemocko nikeckeocmu. ¹¹ ȋŋe ziȋuc eniȋte enârekaç: ȋŋe mâmâc sasawa sâc ijaħa qicwânzân epie sambân zeŋaŋ bâbâfuare buâkeç mi omaezejeç, fofehame dameŋ tarazejeç. ¹² Eme mi rokawehuc, miȋȋic gâcne mamasaniŋ â sasanahhec juhuc wiac biȋec-nâpokicne rauckeengopien, jaŋere hata âteniŋmu.

Biŋe qanârekicnezi juju-nâŋecte anga ekac

¹³ Jaŋeraonec moc Abraham e Anutuzi biȋedân âzâcnerâ femicne mocte maio mupaŋkeocte basarâ e jahacnao râehuc mupaŋkewec. ¹⁴ Ehuc ziȋuc muwec: "No jambuŋgurâ jambuŋgu epemu â basawecgurâ basawecgu epemu." ¹⁵ Eme Abraham e mumupaŋ dâŋ irec woȋec tatakic tâmiriŋ juku fârine rowec. ¹⁶ ȋcizi fekcne moc ere maio mumupaŋ dâŋ mupene mu qaqatarac eene mi fuaocmu. ¹⁷ Ireç Anutu e ȋc biŋe qajareme manjahec enziȋȋte, maȋticnezi sanahkeħa muwec irec fuȋne bataniŋkehuc biȋedân irec fainao mumupaŋ dâŋ zuhuckewec. ¹⁸ Anutu e burec tâmiriczi dâŋsanah jajahec âkendân-jofahuc nânâcnao suru râewec, i ere dapeŋko raȋimbenzi wiac biŋe qanârekicne irec fârine fotarierâ ronahȋte manasuhuc ewec. ¹⁹ Biŋe qanârekicne irec fârinezi juju-nâŋecte anga sanahne â tâtâcne tâmiric iȋucne ekac, erâ anga izi faic qoruc ââketâc irec râpenao râekicne fokac. ²⁰ Ââketâc i micne bapa-nâŋec Jesu eki bânie-nârehuc fotâcnerâ maŋnao raȋiwec. E Melikisede ere sâcko taha bapa erâ jusanahkeekaczi iȋuc ewec hâcne.

Melikisedere fuȋne

7 Melikisede e hâcne Salem haere ȋcîwofuŋ â Anutu femicne sâko ere taha bapa juwec. Eki hâcne Abrahamzi ȋcîwofuŋ râsîfâc-ticne joparâ risieħame ra hatao bâfuara jambuŋkewec. ² Erâ e hâcne Abrahamzi mafa mateŋ bâtâc barâ teŋkonec wâŋ irec sâc râcnewec. Melikisede zâŋe-ticne nânâcne dâŋko "ȋȋne ȋcîwofuŋ", â Salem ȋcîwofuŋ ine "Wama ȋcîwofuŋ". ³ Melikisede e neŋgoc mamac tâmiric, apa ȋosa fuȋne-ticne qahuc mi mufuakicne, e juju-ticne fufuȋke tâmiric â tatara tâmiric. E Anuture ȋokâ ere sâsâc eocte mukicnezi taha bapa juju hati ewec.

6:7 Fuf 1:11, 12 6:8 Fuf 3:17, 18 6:10 Heb 10:32-34 6:11 Heb 3:14; Fil 1:6
6:13 Fuf 22:16, 17 6:16 Wah 22:10 6:18 ȋar 23:19; Sam I, 15:29 6:19 Tah 16:2, 12
6:20 Heb 5:6 7:1 Fuf 14:17-20 7:3 Mi Mâ 110:4



Lewi guruonec taha bapa sâkò

Melikisède e zâhec taha bapa gâcne jumbiŋ jaŋere sâc aricne

⁴ Zi honeniŋ, e ɲic fekiɲe mo iɲucne irec mimigne-nâɲec Abrahamzi mafa matenɲ biɲɲe sasawa bâwosâerâ tenkonec wâŋ irec sâc râcnewec. ⁵ Lewire qâricfâc gâcne taha gie baniŋte mujarekiɲe jaŋe ɲic ɲokac âgofâc-ɲenɲc Abrahamte tofâfâc jaha sifu mafa wiac tenkonec wâŋ irec sâc jowac ronɲte sâcmutâc dâŋqâhâcò mutâcne-jarekiɲe. ⁶ Â Melikisède e jaŋere guruonec mi fuakiɲezi ine Abrahamtaonec tenkonec wâŋ rowec. Ehuc miti biɲe qacnekiɲe e jambuŋkewec. ⁷ Â fekiɲezi wahakiɲe jambuŋkeekac i mozi mickeocmu? ⁸ Dameŋ zi ɲic sisirowenezi tenkonec wâŋ roengopienɲ; ira ine juju hati mucnekiɲezi rowec. ⁹ No manape ziɲuc ekac, Lewi e tenkonec wâŋ roekaczi Abrahamte bifuŋko fohuc wiac i Melikisède râcnewec; ¹⁰ e mamac-ticnere bifuŋko fohame Melikisèdehec bâbâfuac epicte Abrahamzi râcneme Lewizi mâmâc râcnewec ekac.

Taha bapa ranqane gie-ɲenɲc mi sâcke-hâmowec

¹¹ Lewire qâricfâc jaŋere taha bapa gie sâcke-hâmozac muzac, wemocko zâhec taha bapa moc Melikisède ere sâcò fuazac â Aronɲte sâcò aricne? Taha bapa giere erâ ɲic ɲokac sâcmutâc dâŋ jarekiɲe. ¹² Eme taha bapa gie ranqane rârieħa qâricne moc fuame, ranqanere sâcmutâc dâŋ iɲuc jaha rârieħame qâricne moc fuaocmu. ¹³ Findaŋdâŋzi ɲic rokac e taha ufuŋko gie mujarekiɲe jaŋere guruonec mi fuawec, e guru mockonec. ¹⁴ Wofuŋ-nâɲec e Judare tofâfâc jaŋeraonec fuawec, i mana-fârengopenenɲ. Eme ɲicguru i jaŋe taha gie baniŋte Mosezi moc mi muwec. ¹⁵ Erâ irec fuɲne moc taniŋke-hâmokac wâc. Taha bapa moc Melikisèdere sâcò fuaocte

mukicne, ¹⁸e sahaczi fuakicnere sâcmutâc râekicne irec sâcko mâcne, juju fofo sanan̄te tâpirio taha bapa erâ juwec jukac. ¹⁷Ere hâcne dâŋ zîguc mutanigkekicne:

"Goki Melikisede ere sâcko
taha bapa juražihuc jucmu sanan̄."

Jesu e zâžâfic fârine irec jâcne

¹⁸Ine hâcne sâcmutâc dâŋ mârâc mukicne i tâpirimâc â fâri tâmiric ewecte bârâriekicne. ¹⁹Sâcmutâc dâŋzi wiac moc mi emataucke-fârewec; eme irec okacne woworic fârine bâfuakicne, izi fârec-nâpome Anutu sâcne maickeenggopenen̄. ²⁰Qâricne fuawec i mumupaŋ dâŋsanan̄ tâmiric mi fuawec, ranqane jaŋe mumupaŋ tâmiricko taha bapa erâ jumbiŋ. ²¹Qâricne zi ine mumupaŋ faio taha bapa ewec jukac. Ere dâŋqareŋ zîguc fokac:

"Wofun̄zi mumupaŋ dâŋ muwec i mi beheocmu:

'Goki taha bapa juražihuc jucmu sanan̄'."

²²Fuŋne igucte zâžâfic fârinere jâcne ewec, Jesu hâcne. ²³Ranqane jaŋe hâmhuc tuczi tuc juwarembiŋte bocjaha juwarembiŋ. ²⁴Qâricne e ine juju sanan̄ jukacte taha bapa gie-ticne zuzuhuc focnehuc juocmu sanan̄. ²⁵Irec ere geŋiŋko Anutu maickeenggopien̄ jaŋe sâcne bâbâpiaŋko râe basanan̄ ejareekac, e juju sanan̄ jukaczi hâcne damen̄ sâc rorog sasape ejareekac.

Jesu e taha bapa sâko fârine jâmbân

²⁶Taha bapa sâko-nâŋec hâcne e furu, bahacmâc, qaqaacne, sâqocne bapa jaŋere sâcko mi juhuc qâtâcnerâ pectâc jujuŋe, erâ samân̄ hucke-fârewec jukac. Igucnezi hâcne junâreme sâcke-hâmokac. ²⁷E taha bapa ranqane jaŋe igucne mâcne, e sindan̄ tâmiriczi wemocko zoagne zoagne qanaŋ e jahacne sindan̄te erâ taha bâzi rikerâ zâhec ŋic jaŋere rikezac, e jahacne maŋ sahac i taha bâzi-nâŋec mocjaha hâcne râeme tarawec. ²⁸Sâcmutâc dâŋko ŋic manjegiŋci dodocne jaŋe tahâ bapa sâko juniŋte mukicne. Eme zâhec ine sâcmutâc dâŋ faicnao mumupaŋ dâŋsananzî ŋokâ âkendân̄newec. Eki hâcne manfuru jaha juražihuc juocmu sanan̄.

Jesu e faic miti ufun̄ fârinao gie-ticne baekac

8 Dâŋ mukicne irec hândân̄ne zîguc: Taha bapa sâko junârekac e faic sambân̄ko femicne sâko ere ŋeŋefun̄ko mefârenao fewec ŋeekac. ²E furu ufun̄, mitific fârine hâcne, irec taha bapa jukac. Ufun̄ i ŋiczi mâcne, Wofun̄ e jahac bâfuawec. ³Taha bapa sâko sasawa jaŋe nânâ qowi bâzi râe rikec eniŋte mujarekicne, irec taha bapa sâko-nâŋec wemocko taha bâzi tâmiric juzac? ⁴Erâ e mâreŋko juhuc muzac taha bapa mi juzac, mâreŋko sâcmutâc dâŋte sâcko bâzi ririke ŋic sâcne junggopien̄. ⁵Jaŋe gie-jeŋic mitific jabane â sâsâcne ira baenggopien̄, fârine ine sambân̄ko ŋekac. Mose e mitire qoruc boze bazo ehame Wofun̄zi zîguc âžâcnewec: "Manakic, tikio hawarine gowatukicne irec sâcko wiac sasawa bazemec."

Žâžâfic qâricnere dâŋ

⁶ Ži ine Jesuzi žâžâfic fekicnere jâcne juekacte taha gie fekicne jaha baekac. Žâžâfic fekicne ine biŋedâŋ fekicnezi hobeteŋ ecneha bâfuakicne. ⁷ Mârâc žâžâfic fowec, izi fârinehec eme muzac žâhec moc fuaocte dâŋne mi fuazac. ⁸ Anutu eki ine ģic jaŋere maname mi sâckeme žiŋuc muwec:

“Juku dameŋ mocko Israe kikefuŋ â Juda kikefuŋ
jaŋehc žâžâfic qâricne moc bâfuapemu,
Wofuŋzi iŋuc mukac.

⁹ Mârâc mimignefâc-jenig Aigita mârenkonec jowac-jopapere
mejelijicko rohuc jaŋehc žâžâfic epo,
žâžâfic iŋucne mâcne;
jaŋe žâžâfic irec maŋnao paŋžâic mi jupie
noni râpec-jopapo, Wofuŋzi iŋuc mukac.

¹⁰ Â žâhec Israe kikefuŋ jaŋehc žâžâfic epemu ine kecziŋuc:
No mumupaŋ dâŋnane maŋjenicko râepe huocmu,
erâ buhândâŋ-jenicko qârenkepe foocmu,
eme no Anutu-jenig jupemu
â jaŋe kikefuŋfâc-nane juniŋmu.

¹¹ Eme ģic moczi ģicâgo-ticne
me ģic moczi qomâ-ticne
ziŋuc mi muhuc miti qazucneocmu:
Âjoc, go Wofuŋte fuŋne manac â!
Mâcne, jaŋe wahakicnezi mecne fekicnezi mecne
mâmâc manacnu-fâreniŋmu.

¹² Ži: ŋucte manacnuniŋmu: No kiŋjenig behe-jarepemu
â sindaŋ-jenigte mocwâc mi manasupemu,
Wofuŋzi iŋuc mukac.”

¹³ Eme Wofuŋ e žâžâfic qâricnere dâŋ muhuc, mârâc fowec irec “raŋqaŋ-
kekicne” muwec. Eme wiac raŋqaŋkekicne â gufekicne izi arictac ezo ekac
hâcne.

Mârâc Wofuŋ mai eecnere wiac fowec i jabane

9 Žâžâfic raŋqanao Wofuŋ mai eecnere hata fowec â irec tiri qoruc
boze mârenko ģewec wâc. ² Mitire qoruc boze hâcne kecziŋuc
bambiŋ: Maŋne moc maine, žâŋene Furufic mukicne, ira kendo kikenehec
domawec erâ tebo ģewec fainao poroŋ furu mukicne i fowec. ³ Eme bumec
maŋne moc âke tâcnekicne fowec, žâŋene Furu Dindiŋ mukicne. ⁴ Ira
hosâc ririke alata golzi bakicne ģewec, erâ žâžâficte qorac tapa katapa
golzi qorockekicne i ģewec, erâ Aronŋe gunu qârerâ gitec hekicne i â qorac
tapa mâmâc râekicne. ⁵ Fainao ine tatamacte kerubim hawari jajahec fakec-
jekiczi katapa tapane sâockehuc domapic. Irek dâŋ ninic jaha wemocko
mufârezo.

⁶ Wiac iŋuc râepie fohame fic maŋne maine ira taha bapa jaŋe dameŋ sâc
fec wahac ehuc gie-jenig bajumbieŋ. ⁷ Fic maŋne moc ira ine taha bapa

8:6 Heb 7:22; 12:24; Kor II, 3:6 6:8 Jer 31:31-34; Heb 10:16, 17 8:9 Wah 19:5, 6 8:13 Rom 10:4
9:2 Wah 25:23, 30, 31 9:3 Wah 26:33 9:4 Wah 16:33; 25:16, 21; Žar 17:25 9:5 Wah 25:18;
26:34 9:6 Žar 18:3, 4 9:7 Wah 30:10; Tah 16:2, 14, 15

sâko e bucticne jara moc maghao arec mocjaha fejujec. Erâ soc tâmiric aricne, sochec sasawa fehuc e jahacne â ñic jañere bahacte tie jujec. ⁸Wiac irec fujne Tiri Mârozi ziguc nâwotukac: Magne maine izi ñehame furu ufugko raziñe hata mi fua tâcnekac. ⁹Magne maine izi damen ziguc-zia mâregko jungopenen irec sâsâcne ekac. Tiri qoruc bozeo nânâ qowi bâzi râe rikec ee izi wemocko ñic Anutu mai ecnembiñ jañere mañ bâpiag-kezac? ¹⁰I sahackopec sâcmutâc dân sawa, nânâ opâre â sahac 3u3urere dân fowec igucne, i 3âheç fârînezi âkehockeocte jaba fowec.

Kristo e taha bapa gie fârine bawec

¹¹Kristo eki ine wiac fârine fuaocte mukicne irec taha bapa sâko fuawec, ehuc qoruc boze sâc moc, fârine jâmbân, mezi mi bakicne, mâregko mi ñegene, ira raziwec. ¹²Noniñ bulimakao sochec mâcne, e jahacne sochec Furuficko arec mocjaha razihuc kitâc-nâpowec izi fofu sanan foomu.



Noniñ ñicne sâko

¹³Noniñ bulimakao soc â bulimakao zafe i ñic wâwânân fua-jarewec jañe epie furu bacjopame sahackopec qaçackembiñ; ¹⁴Kristo e ine Mâro juweczi jukac eki nengoc ñecneha mañ sahac-ticne Anutu taha bâzi furu biag ecnewec, eme nânâc eebapa aputacnezi maghâñec hegâpâremben i Kristore soczi sâcne 3ure qaçackeme Anutu jujune kiñan qacnenammu.

Kristo socticnezi wiac kitâcne-nârewec

¹⁵Irec hâcne Kristo e 3â3âfic qâricnere jâcne ewec, erâ 3â3âfic ranqanao

9:8 Heb 10:19 9:9 Heb 10:1, 2 9:10 Tah 11:2; 15:18; 3ar 19:13 9:11 Heb 6:20; 10:1
9:13 Tah 16:3, 14, 15; 3ar 19:9, 17 9:14 Pet I, 1:18, 19; Joh I, 1:7; Bar 1:5; Kor I, 15:45;
Heb 6:1 9:15 Heb 12:24; Tim I, 2:5

juhuc kiŋ bâfuakicne i taraocte hâmowec, eme irec biŋefâc-ticne jaŋe juju sananŋte merâfâc roninŋte mujarekicne i sâcne roninŋmu. ¹⁶Merâfâcte hata zinjuc fokac: Runezi hâmome jaha rauckezo. ¹⁷Qâricne juhame merâfâcte dâŋ mukicne i mâc foocmu, hâmome ine dâŋ irec fârine fuaocmu. ¹⁸Irec hâcne zâzâfic ranqane i soc tâmiricko wâc mi fuawec. ¹⁹Mose e sâcmutâc dâŋqâhâc jâcne jâcne, mutâcnekicnere sâcko ŋic jazaku jaza-fârerâ bulimakao â noninŋsoc opâheç bâsifuckerâ kâcbinŋko lama kanzanŋ bâbâronŋ qâfiserâ izi soc tieme miti papia mecne ŋic ŋokac mecne mâmâc rua-jarewec. ²⁰Ehuc zinjuc jazawec: "Anutuzi zâzâficte dâŋ mupaŋke-ŋarejec irec soc zi hâcne." ²¹Erâ taha boze â taha giere râqâc wiac i iŋuc jaha soczi ruacne-fârewec. ²²Ine hâcne, sâcmutâc dâŋko mukicnere wiac zenggoma qâririnŋ soczi zure qaqaçkezo, â soc tâmiricko sâqocne bâbâtâ-mire mi fokac.

Mesia e taha-nâŋec mocjaha bame sâckewec

²³Sambânŋko wiac fârine fokac irec sâsâc wiac i soc omanezi zure qaqaçkeocte mukicne, â wiac fârine e jahacne ine taha furi sâkozi zure qaqaçkeocte hatane mocjaha fokac. ²⁴Irec hâcne Kristo e furu ufug mezi bakicne, fârine irec sâsâcne mac, ira mi raziwec, e sambânŋ maŋnao raziwec, eme ira Anutue maio juhuc nâŋâcnere erâ taha gie-ticne baekac. ²⁵Erâ e maŋ sahac-ticne hâsi fâri taha-nâŋec qikigineocte wâc mi fewec, taha bapa sâkozi jâmbomac jarane jarane feekac, ehuc e jahacne soc mâcne, soc jabane rorâ tiri ufugko feekac. ²⁶Kristo e iŋucnere sâc erâ muzac mâreŋ fuaweckonecetanŋ wemo afecne hâmo warehuc juzac. E ine iŋuc mi ehuc damenŋ ŋondenŋ tataranao due-nâŋec bahuc kiŋnâŋec bârârieocte fua tâcnewec. ²⁷Ŋiczi mocjaha hâmonanŋte munârekicne, eme irec faicnao dâŋnâŋec mumutara fuaocte mukicne; ²⁸eme Kristo e iŋuc jaha, ŋic bocjaha kiŋjenŋic âsickehuc mocjaha hâcne hâmoweczi mocwâc sâqocnere gie baocte mâcne, e worickehuc juengopien jaŋe rocjopaocte sawa fua taniŋkeocmu.

Sâcmutâc dâŋte sâcko taha gie bakicne i jabane

10 Sâcmutâc dâŋko wiac mukicne i mâc zâheç fârine fuaocmu irec mumucne sawa fuakac, fârine jâmbânŋ mâcne. Irec taha bapa jaŋe sâcmutâc dâŋ reŋkehuc jarane jarane taha barâ ba epie ŋic ira Anutu mai ecneengopien jaŋe sâcne maŋfuru mi bacjopaekac. ²Iŋuc eme muzac, taha bâzi ririke omaezac i! Ira Anutu mai ecneengopien jaŋe kiŋfâsâc enzapiŋ muzac, kiŋjenŋicte manabâc mocwâc mi enzapiŋ. ³Taha bâzi izi in jarane jarane fuame kiŋjenŋicte manasuengopien. ⁴Noninŋ bulimakao soczi wemocko kiŋjenŋic bâtâmirezac? I aricne. ⁵Irec hâcne Kristo mâreŋko wahaocte dâŋ zinjuc muwec:

"Taha bâzi fuŋne fuŋnere mi egareekac,
sahac ine bâfua-narekomec.

9:19 Wah 24:3; Tah 14:4; Jar 19:6 9:20 Wah 24:6-8; Mat 26:28 9:21 Tah 8:15, 19
9:22 Tah 17:11; Ele 1:7 9:23 Heb 8:5 9:24 Heb 11:12; Joh I, 2:1 9:26 Kor I, 10:11; Gal 4:4
9:27 Fuf 3:19 9:28 Jes 53:12; Fil 3:20; Heb 10:10; 12:14; Tim II, 4:8; Pet I, 2:24
10:1 Heb 8:5; 7:19 10:3 Tah 16:21 10:5 Mi Mâ 40:6-8

⁶Qowi hâcbuc ririke me sâqocnere taha bapa i fua-gareocte mi muekic.

⁷Eme mupo, 'Manakic, no Anutu gore mic rengkepene fisikopac', miti papiao nore dân qârengkekicne irec sâcko."

⁸Faic dân zinguc muwec fokac, "Taha bâzi fugne fugne â qowi hâcbuc sâqocnerê taha irec mi egareekac â irec takicguekac" wiac i sâcmutâc dânte sâcko râe rikec ekicne. ⁹Erâ dân zinguc zuhuckerâ muwec: "Manakic, gore dân rengkepene fisikopac", iguc muhuc wiac ranqane bârârierâ qâricne moc âkendânnewec. ¹⁰Irec Anutune micdânge erâ Jesu Kristo e sahad-ticnezi taha bame manfuru emben, i arec mocjaha ekicnezi fofu sanaj.

Jesu e nâgâcnere taha fârine bawec

¹¹Taha bapa sasawa jaje zoagne zoagne gie-jenig bahuc bâzi ijaha hati rikerâ rike ehuc juengopien, eme izi kin bahac sâcne moc mi bêtâmireekac.

¹²Kristozi ine sâqocne-nâgecne taha mocjaha bame tarame faic Anutu mefârenao fewec jukac. ¹³Eme ira râsîfâc-ticne dockerâ waha fohuc kike-ticnere ââtesig enigte wonec juekac. ¹⁴Manfuru eere hatao jungopien jajege taha mocjaha bahuc bâbâpien-jenigie gie batarawec. ¹⁵Eme Tiri Mârozi irec dân mufua-nârekac wâc. Qanan dân zinguc fokac, Wofug e keczinguc mukac:

¹⁶"Zâhec damenjo jagehec zâzâfîc epemu ine keczinguc:

No mumupan dâgnane manjenicko râepe huocmu,
erâ buhândân-jenicko qârengkepe foomu."

¹⁷Erâ zuhuckekac,

"No kinjenig behe-jarepemu

â sindan-jenigie mocwâc mi manasupemu."

¹⁸Sâqocne tâmire-fâreme ine irec taha bapa iguc jaha omaeocmu.

Anutu siocmâc mai ecnezo

¹⁹Âgofâc, Jesu e socticnezi motâc ronârewecte furu ufungko fenante manngâc afeckekac. ²⁰Irec hatane qâricne â jujune ine e jahac bâzâwe-nârewec. Ehuc ââketâc fowec, sahad-ticne hâcne, i fotâcnerâ fewec. ²¹Eme taha bapa fekicne Anutune ufug qizeckerâ junârekac. ²²Irec nâgâc mamanasigzi manngâc baafekkeha siocmâc mai ecnehuc junzepenej. Ine qanan manngâc kinzi hegâpârekicne i socticnezi ruacneme tanigkeha â sahad-nâgac opâ qaqaczi zureha iguc sâcne enanmu. ²³Erâ mume sasananzi wiac bîge qanârewecte bigedân i kiki papan jaha bajuhuc muhanzenzepenej. ²⁴Erâ wâc sosonaj ehuc manjaunte â eehâmo giere qaqafen enzepenej. ²⁵Ehuc mitire tutumanjo gâcnezi mi fisihuc qâorma eengopien iguc mi ezo. Dâmenj sâko bâqin-nâpokac, iguc hâcne manahuc zoqac erâ fan qaqac enzepenej.

Sâqocne mana afeckehuc bapa irec dân

²⁶Nângác dân fâri qizecnezi magnânegc âke tamaehame sâqocne mana jangênkehuc bapene mozi irec taha bame tâmireocmu? Aricne, iguc mi fokac, ²⁷ine okacne hâhâwicne â zocbârurj sâko izi sawa wonec-nânegc focmu. Zocbârurj izi mitire râsifâc zâmiziec-jopaocmu hâcne. ²⁸Ŋic moczi Mosere sâcmutâc dân mana suahuc qame ŋic jajahec me jahec â moczi nujangênkepie acmâc jaha qapie hâmoekac. ²⁹Eme ŋic moc e Anuture Ŋokâ ro waha âte ecnehuc, zâzâfictc soc ruarâ manfuru ewéc i mana suahuc aki anonoc rune Mâro musorîngeocmu, e okacne mo igucne fisic-neocmu mungopien? ³⁰Nângác dân kecziŋuc muwec ere fugne manaeng-gopeneg: "Kiŋ babatara i nore gie, okacne babazu i noni epemu." Erâ moc ziŋuc fokac: "Wofurj e ŋicfâc-ticne jaŋere dân mutara-jareocmu." ³¹Anutu jujujune ere meo fefe i wiac hâhâwicne jâmbân.

Miti ba beheç mi ezo

³²Ŋoŋe mârâc wiac ejumbienj irec manasunzebieŋ. Damerj ira manŋegiczi hae furehame fific gugurij maŋko juju gie sâko bahuc sanankebienj. ³³Eme gâcne ŋoŋe imaj gomaŋ â zâic busâqoc fai-ŋegicko feme ŋic jaŋere maio mamakâc embienj, â gâcne ŋoŋe ine âgofâc-ŋegic wiac igucne ejarepie zâic-ŋegic mâmâc manambienj. ³⁴Ŋoŋe âgofâc-ŋegic kâpâcwârû ficko fepie jaŋere erâ buheric fuâ-ŋarewec, â monerj mafa ŋowac ropie ine mafa fârîne fofone fonârekac muhuc manapie bubiagnehec ewec. ³⁵Eme zi hâbi-ŋegic mi goronkezejec, hâbihec juku furine kâcqene rozo. ³⁶Irec ŋoŋe sasanaj bâfuârâ Anuture micdânkoja juku wiac biŋe qanarekicne irec fârîne ron-zebieŋ.

³⁷"Irec damerj bembegne mac moc fokac i tarame wareocte mukicne e ŋeŋe râqâc mi ehuc biac fisiocmu.

³⁸Ŋicnane biankekiecnezi ine mamanasigte erâ juju hotâckeocmu, â docke pârac eocmuo magnanezi manacnepe mi biankeocmu."

³⁹Nângác ine docke pârac ehuc sisipiricko rara irec biŋe mâcne, nâgác manasiŋkehuc maŋ qâqâtâc ŋeŋezic irec biŋe.

Mamanasigte dân

11 Wiac biŋe qanârekicne i manapaŋkerâ irec wonec juju, â wiac mi hohonene maŋzi sakarerâ babaju, izi mamanasig ekac. ²Mitiŋic ranqane jaŋe mamanasig igucnehec jupie Anutuzi honec-jopame biankwec hâcne. ³Mâreŋ i Anuture mictc fuawec, ine mamanasighec juhuc mana taraengopeneg. Wiac hohonene i mi honekickonec fuawec hâcne.

10:26 Heb 6:4-8; Tim 1, 2:4 10:27 Jes 26:11 10:28 3ar 15:30; 35:30; Sâc 17:6 10:29 Wah 24:8; Heb 2:3 10:30 Sâc 32:35, 36; Mi Mâ 135:14; Rom 12:19 10:31 Heb 12:29 10:32 Heb 6:4 10:33 Kor I, 4:9 10:34 Mat 6:20; 19:21, 29 10:35 Heb 11:6 10:36 Heb 6:12; Luk 21:19 10:37 Jes 26:20; Hab 2:3; Luk 21:28; Jak 5:8 10:38 Rom 1:17; Gal 3:11 11:1 Heb 3:14; Kor II, 5:7 11:3 Fuf 1:1

Abe, Enoko â Noa

⁴ Mamanasighec juhuc Abezi Anutu bâzi rikecneme honeme sâckeha Kaiŋte qikignewec. Mamanasiŋ-ticnere hâcne Anutuzi honeme kinfâsâc eme bâzi-ticne rohuc fuŋne-ticne bataniŋkewec. E mamanasighec juwecte manapene hâmokicnezi sifu dâŋ nâzâkac ekac. ⁵ Enoko e mamanasighec juwec, irec hâmoczi mi bâuaocte Anutuzi qâricne bafewec. Iguc ecnewecte ŋiczi basambiŋ. Erâ mi feha fuŋne-ticne biac zîŋuc mutaniŋkekiecne: Anutuzi e honeme biankewec. ⁶ Mamanasiŋ tâmiric jupene Anutuzi honec-nâpome bibianke ine mi fokac. Anutu mâc mai mi ecnezo, jukac i mana zakiezo, â maŋzi hefârepene tahac-nâpoeakac dâŋ i mana zakiehuc mai ecnezo. ⁷ Noa e mamanasighec juwecte Anutuzi wiac zâheç fuaocmu irec bige qanaŋ âzâcnewec. Âzâcneme araŋ bacnehuc wiacfâc-ticne qâricne juiŋte murâ woke bawec. Iguc ehuc ŋic kîŋjeŋicte fuŋne bataniŋkewec. Erâ mamanasinŋte erâ kinfâsâc ee irec fârine rauckewec.

Abraham

⁸ Abraham e mamanasighec juwecte mâreŋ-ticne beherâ moc rauckeocte irec dâŋ erao fuame reŋkewec. Erâ mâreŋ irec me irec mukicne kâuc bahuc sifu rawec. ⁹ Mamanasighecte mâreŋ bige qacnekiecne ira ra fisirâ jaba juwec. Jaba juhuc bozeo sawa ŋeŋerâ juwec. Isaka â Jakobo jahe bige mâmâc qajactekicnezi sâc ijaha epic. ¹⁰ Abraham e hae ŋeŋe sanaŋ moc Anutuzi bâfuarâ basarickewec irec mamanaçko juwec. ¹¹ Sara e iguc jaha mamanasighecte tâpiri fuacneme ŋokac qizec juipiehuc kiweheç ewec. Ine qâricte bige qacnewec ere, mume fufuazi mukac, muhuc iguc ewec. ¹² Eme irec hâcne ŋic mocjaha, fua sawecte tâpiri-ticne arictac ehame, eraonec qâric fua sawec embiŋ jaŋe sambânko bâpiŋ ŋerakac irec sâc, erâ hâwec-meçko moŋgeŋ forakac, ŋiczi mi wowosene, irec sâc fuambiŋ.

¹³ Ŋic izi hâcne mamanasighec juhuc hâmo-fârembiŋ. Wiac bige qajare-kicne irec fârine ine mi roro mâc taicko fome honerâ worickehuc jumbiŋ. Iguc ehuc fuŋne-jeŋic zîŋuc manambiŋ: Nâŋe mâreŋko hotâ â jaba juŋ-gopeneŋ. ¹⁴ Dâŋ iguc muhuc mâreŋ qizec moc bâfuaninŋte maŋjeŋic âeçkeba ewec. ¹⁵ Erâ jaŋacne hae mâreŋ râpeçkembîŋ irec maŋhâhâŋ mi ejarewec, irec ejareme muzac risiezo murâ sâcne risienzapîŋ. ¹⁶ Jaŋe ine hae mâreŋ bian moçte maŋhâhâŋ ejarewec, sambânko fokac irec hâcne. irec Anutu e jaŋere Anutu, ere iguc mupene maname mi sâqoreekac. Wemocce? E jahac hae sâko moc bâfua-jarewec.

Isaka â Jakobo

¹⁷ Abraham e Anutuzi esâickeme mamanasighec juwecte Isaka taha bâzire qikignewec, e bigedâŋ roweczi ŋokâ-ticne mocjaha qikîŋnezo ewec hâcne. ¹⁸ Bigedâŋ zîŋuc âzâcnekiecne: "Isakaraonec qâricfâcge fua sawec eranîgmu." ¹⁹ I kecziŋuc muhuc ewec: "Anutu e ŋic hâmockonec bâqârec-

11:4 Fuf 4:4; Mat 23:35 11:5 Fuf 5:24 11:6 Heb 7:25; 10:35 11:7 Fuf 6:8, 9, 13-22;
7:1; Rom 3:22, 24; 4:20 11:8 Fuf 12:1, 4 11:9 Fuf 23:4; 26:3; 35:12 11:11 Fuf 17:19;
21:2 11:12 Fuf 15:5; 22:17; 32:12; Rom 4:19 11:13 Mi Mâ 39:12; Bin I, 29:15; Fuf 23:4;
47:9; Pet I, 1:1; 2:11 11:16 Wah 3:6; Mar 12:26, 27 11:17 Fuf 22:1; Jak 2:22 11:18 Fuf 21:12
11:19 Rom 4:17

-jopaocte tâpiri focnekac." Eme irec hâmockonec tinac bârsiecnewec.
²⁰Isaka e mamanasighec juwecte Jakobo â Esau jambuŋ-jofahuc wiac
 zâhec fuaocmu irec findaŋdâŋ wâc jasawec. ²¹Jakobo e mamanasighec
 juwecte hâmozo ehuc Josefe ŋokâ jahec-ticne jambuŋ-jofawec, ehuc
 gunuzi âkesignerâ nehuc Anutu dapecnawec. ²²Josefe e mamanasighec
 juwecte hâmozo damen-ticne maickeme Israe ŋic jaŋe juku Aigita mâren
 beherâ ranigmu irec manasurâ siec-ticnere qanaŋ dâŋ mutâcne-jarewec.

Mose â Josua

²³Mose fuame nengoc mamacne jahe mamanasighecte motec hone-
 bâckerâ ŋicwofuŋ dâŋticnere mi hâwic-jofaha mosa jahec â moc songepic.
²⁴Mose e mamanasighec juwecte ine sokarâ Farao otâ-ticnere ŋokâ
 mucneniŋte mupie qikiŋnewec. ²⁵E sâqocnere aŋac bembeŋne qikiŋnerâ
 Anutire ŋicfâc jaŋehac zâic busâqoc manaocte wosâewec. ²⁶Ehuc Aigita
 mârenkonec monen mafa mâriri irec maname jawane ewec, â Kristore erâ
 mamakucne juocte ine maname fârine ewec. I juku furine roocte mana-
 suhuc iguc ewec. ²⁷E mamanasighec juwecte ŋicwofuŋ aaric-ticne
 qamaserâ Aigita mâren behewec. Erâ Anutu mi hohonene e zâŋezi
 honehuc tinac erao siŋkewec. ²⁸Mose e mamanasighec juwecte mume
 aakic lama hezurâ sočnezi ficmotâc ruacnepie agelo momorizi jowaruhuc
 mârâc ŋokâfâc-jeŋic akic-jopawec. ²⁹Eme Israe ŋic jaŋe mamanasighec
 jumbiŋte Hâwec Bâbâronko tiŋko rara tinac rahuc fotâcnembiŋ. Aigita ŋic
 jaŋe ijaha ezo mupie hâweczi qâcjopawec. ³⁰Israe ŋic jaŋe mamanasighec
 jumbiŋte Jeriko haesac orâŋkekuhapie zoaŋ gie bapa 7 eme hericke
 qawec. ³¹Sasec ŋokac Rahaba e mamanasighec juwecte ŋic mâren hone
 tēcnepic jahe âgo ejactewec. Eme qaqatara ŋic jopambiŋko e akickekiecne.

Mitiŋic gâcne jaŋere dâŋ

³²Erâ dâŋ gâcne wemocko mufârezo. Gideon â Baraki â Simson â Jefita
 â Dawidi â Samue â porofete jaŋere binaŋ bafârepe muzac mâretac
 zorazac. ³³Jaŋe mamanasighec jumbiŋte ŋic guru sâko bawahac-jopambiŋ.
 Bâbâtiŋ gie bâhâmombiŋ, wiac biŋe qajarekiecne irec fârine rombiŋ, laioŋ
 micjeŋic bâbâzickembiŋ, ³⁴zocbâruŋ fâro-ticne hemâtenkembij, zika faio
 feipiehuc qâricne jumbiŋ, dockekicnezi mocwâc sanaŋkembiŋ, zikao
 momori wânzâŋ embiŋ, mâren gâcnaonec râsi jopa jâpec embiŋ. ³⁵Ŋokac
 gâcne jaŋere ŋokâ hâmockonec bâqâre-jarekiecne. Ŋic tucne bâzâic-jopahuc
 mâsi qâsi ejarekiecne, eme "miti behepie akic-ŋopazo" jazapie, juju sanaŋte
 qâreniŋte manasuhuc qikiŋnembiŋ. ³⁶Ŋic tucne jaŋe maric mangâpâc â qa
 imac ejarekiecne, â tucne jaŋe me kike-jeŋic qarâ kâpâcwâru ficko râec-
 -jopakicne. ³⁷Tucne jaŋe qânâzi hehâmoc-jopakicne, tucne jopa qâzâic
 ejarekiecne, tucne jaŋe segezi bâtâc-jopambiŋ, tucne jaŋe zikazi upe-jeŋic
 qâtâcnembiŋ. Jaŋe lama â noniŋ saŋacne rufarâ rorocko juhuc bebekâne
 erâ zâŋ goma faio jujumbien. ³⁸Iŋucnezi ŋic wemo-jeŋicte mârenko jupie

11:20 Fuf 27:27, 29, 39, 40 11:21 Fuf 47:31; 48:15, 16 11:22 Fuf 50:24 11:23 Wah 2:2
 11:24 Wah 2:10, 11 11:26 Mi Mâ 89:50; 69:9; Heb 13:13; 10:34, 35 11:27 Wah 2:15; 12:51
 11:28 Wah 12:12, 13 11:29 Wah 14:22, 27 11:30 Jos 6:20 11:31 Jos 2:11, 12; 6:17, 23;
 Jak 2:25 11:32 Mum 6:11; 4:6; 15:20; 12:7 11:33 Mum 14:6; Dan 6:22; Sam I, 17:34, 35
 11:34 Dan 3:23-25 11:35 Ŋic I, 17:23; Ŋic II, 4:36 11:36 Jer 20:2; 37:15 11:37 Bin II, 24:21

säckewec. Jaje tiki tuhuo mâreŋ â qorac hawecko foforâ jujumbieŋ. ³⁹I jaje sasawa mamanaŋ-jenictê Anutuzi honec-jopame biankewec, erâ sifu wiac biŋe qajarekicne irec fârîne mi bâfuambiŋ. ⁴⁰Fugne zîŋucte: Anutu e nâŋâcnao wiac fekicne râeocte maname fowec, irec jaje nâŋâc tâmiricko juju saric bâfuaniŋte mi manasuwec.

Jesuzi micne banârewecte e bâjâpêhuc sanankezo

12 Wizec guru sâko igucnezi karorac tinac erâ orân-nâpongopiente wiac bâmâc-nâpoekac i hetera-fârenzepeneŋ, â sâqocnere muczi fâfâc-nâpoekac i wâc hetâcnenzepeneŋ, ehuc hata nâwotukicne ira tatakic tâmiric gagasac jaha ranzepeneŋ. ²Ehuc Jesu, mamanaŋte micne bapa â mamanaŋte fârîne bâbâfua, erao findendegnehuc junzepeneŋ. E zeri bubiŋ fuacneocte mukicne irec manasuhuc mariponte zâic manawec â mimi faio fefe mana suawec. Iguc erâ Anutute ŋeŋefuŋko mefârenao fewec ŋekac. ³Sâqocne bapa jaje mukac mupe mo igucne ecnepie mana-bipierâ sanankewec, ŋoŋe ere hâcne manasuhuc mi takirepie manŋenŋic betan-kezejec.

Anutuzi ba bâtiŋ enâreekac irec dân

⁴Ŋoŋe sâqocnezi herokawec-ŋopazo eme samandîkerâ sahaç-ŋenŋic bapie wozeme dodoma, i juwarehuc iguc sâcne mi embiŋ. ⁵Erâ dân moc “ŋokâ” muŋarehuc faŋ qajarekicne fokac irec nîkeç-ŋopawec me? Dân zîŋuc:

“Ŋokâ-nane, Wofuŋzi bâtiŋgume manateç

wawahane mi ezejec,

â bâzâicgume mange mi rokawezejec.

⁶Wofuŋ e ŋic moc jaunkezo murâ ba bâtiŋ ecneekac,

â ŋic fuŋfuŋfâcne bacjopahuc qa qâtiŋ ejare-fâreekac.”

⁷Wofuŋzi ba bâtiŋ eŋarezo mume hâbi-ŋenŋic mi ŋengoronkezejec. Anutuzi honec-ŋopame naru motecfâc-ticne epie iguc hâcne eŋareekac. Me mo mamaczi ŋokâ-ticne ba bâtiŋ mi ecneocmu? ⁸Ba bâtiŋ i ŋic gâcne sasawa ejarewec, eme ŋoŋe i tâmiric jupie ine naru motecfâcne mâcne, fiuckonec fuakicne muŋarezo. ⁹Erâ moc mupe: Mâreŋ mamacfâc-nâŋec jaje qa bâtiŋ enârepie araŋ bajare jumbeneŋ. Eme qâqâtâcte Mamac e araŋ bazihuc bacnepene sâckeocmu. Iguc ehuc juhâmonaŋmu. ¹⁰Jaje mamana-jenictê sâc jara dâmeŋ bembene sawa qa bâtiŋ enâre jumbieŋ, eki ine wiac fârîne fua-nâreocte enâreekac, e jahacne tiri jujuo zuhuckenante hâcne. ¹¹Bâbâtiŋ fuaocmu sâc i qanaŋ manapene bubiŋheç mi ehuc busâqocheç eekac; â zâheçkô ine bâbâtiŋko juhuc sanankeengopieŋ jaŋerao fârîne wamane fuaekac, zâŋene bahac fâsâc juju.

Sasanaŋ bâfuarâ dodopec ezo

¹²Eme ŋoŋe meŋenŋic betankekicne â hoqanŋ-ŋenŋic ŋetarakicne, irec âte

12:1 Heb 10:36; Rom 7:21; Kor I, 9:24 12:2 Heb 2:10; Mi Mâ 110:1 12:3 Luk 2:34

12:5 Muq 3:11, 12 12:6 Bar 3:19 12:8 Mi Mâ 73:14, 15 12:9 3ar 16:22 12:11 Kor II, 4:17, 18; Jak 3:17 12:12 Jes 35:3

tiñnehuc sanankenzepeñ. ¹³Ehuc hata bâzâwepie wiñkeme ñoñeraonec puriñ ekicnezi ira qac qâsoric tâmiric âte rahuc biankenzepeñ. ¹⁴Ñoñe ñic māmâc sasawa jagehec wamao jujure giene banzepeñ, erâ manfuru erâ juniñte henziñnenzepeñ, manwânâñhec juku Wofuñ hohone i mi fokac. ¹⁵Ñoñeraonec moczi Anuture aki anonoc ririzacte sonañ babac enzepeñ. Erâ ñonder-ñenjicko zâñ opac moczi gitec herâ zacñopame sâqorenziñte rucñenñic banzepeñ. ¹⁶Erâ ñoñeraonec moczi Esaure hata mi âtehuc sasenc-ñic â ñic arañ bapa tâmiric mi ezejec. E nânâ mocjaha mac irec erâ mârâc fufuare merâfâc qikignewec. ¹⁷Ñoñe ere manaenggopieñ, e zâhec jambuñ rozo mume sakarecnekicne. E wiac ewec i suame arictac eocte kio-bipiehuc emâmângekewec.

Nânâc Sinai tiki mâce, Zion tiki maickembeng

¹⁸Ñoñe tiki moc ba bâuac eene, zocbârugnehec ira mi ra fisimbiñ, erâ hâweñ, dapâc â mângâñ zâzâkirigne irec manñao mi razimbiñ. ¹⁹Erâ qenñânñ sâko â dâñowa i wâc mi manambiñ. Manambiñzi dâñ nininñkeocte numu huac buc embiñ. ²⁰Dâñ kecziñuc mukicne, irec manapie hâhâwicne ewec: "Qowi tiki âteuame qânâzi hehâmozo." ²¹Wiac i bipic tataranehec fuakume Mosezi muwec: "No hâwicnume qarac qarac qakopac." ²²Ñoñe tiki iñucnao mâce, ñoñe Zion tiki, Anutu jujune ere hae sâkoo, sambânñte Jerusalemko fisimbiñ. Ehuc aġelo mi wowosec-jopane â zeri tutumañ sâko ²³â fuñfuñ gurufâc-ticne zâñejenñ sambânko qârenñekicne jage hâcne maic-jopambiñ. Ehuc Anutu, ñic sasawa nânâcne mumutara maickembñ, â ñic tiñne furu bacjopakicne qâqâtâcñic-jenñic jañerao zuhuckembñ; ²⁴â Jesu, zâzâfîc qâricnere jâcne, erao fisirâ rurua soc maickembñ, soc izi Abe socticnezi wira wâwâsîc ewec iñuc mâce, sâc moc wira wâwâsîc eekac.

Anutuzi juku mâreñ itirîñkeme ñerisieocmu

²⁵Ñoñe dâñ nazaekac e râpeckenziñte ruc bahuc junzepeñ. Mârâc jaha mâreñko waharâ dâñ jazame qikignepie okacne fisi-jarewec. Eme zi sambânko juhuc dâñ nâzâekac, e râpeckerâ wemocko okac tâmiric junanñmu. ²⁶Mârâc jaha dâñ mume mâreñ qiriñ qawec. Eme zi ine dâñticne ziguñ fokac: No juku mâreñ mocwâc itirîñkehuc sambân māmâc itirîñkepemu. ²⁷Mocwâc itirîñkepemu, iñuc muwec, ine wiac bâfuakicne i itirîñkeme ñerisieocte manasuhuc muwec. Ñerisieme fofu sanañ i fuarâ qiriñmâc fozokac. ²⁸Nânâc uucmañ moc qiriñmâc fofu sanañ rauckenañmu, irec Anutu mucne bacnenzepeñ, ehuc rumerâ arañ bacnehuc, jahac maname bianñkeekac irec sâcko kiñañ qacnenzepeñ. ²⁹Ehuc ziguñ mananzenzepeñ: Anutunâñec e zocbârug iñucne.

12:13 Muq 4:26 12:14 Mi Mâ 34:14; Mat 5:8; Rom 12:18; Tim II, 2:22 12:15 Sâc 29:18;
Apo 8:23 12:16 Fuf 25:33, 34 12:17 Fuf 27:30-40 12:18 Wah 19:12, 16, 18; Sâc 4:11
12:19 Wah 19:19; 20:19; Sâc 5:23 12:20 Wah 19:13 12:21 Sâc 9:19 12:22 Bar 14:1;
21:2; 5:11; Gal 4:26 12:23 Luk 10:20 12:24 Heb 9:15; 11:4; Fuf 4:10; Pet I, 1:2 12:25 Heb 2:2;
10:28, 29 12:26 Hag 2:6; Jes 33:14; 12:29 Sâc 4:24; 9:3

Fandân

13 Qoqomâzi jaug babac eengopien i ñoñero mi wahazejec. ²Ñic hezu hewâneñ ejareniñte qâoma mi enzepien. Gâcnezi ñic hezu hewâneñ ejarengopenen muhuc angelo ejarembin. ³Âgofâc-ñenji kâpâcwârú ficko râec-jopakicne jañere manasuhuc manapie mâmâc râec-jopakicne tinac ezejec. Erâ ñoñe sahachec jaha jingopiente qa imac ejarekicne jañere wâc manasunzepien. ⁴Ñowe ñonâñ jujure manapie wiac fârine eha fofó wirecko gâc mi hezejec. Boe sau â zuhuc bâtâc eengopien jañe Anutuzi okacne jareocmu. ⁵Maññenji moneñ mafare harac mi ezejec. Wiac fogarekac sâc mukâroñ tâmiric bajunzepien. Wofuñ e jahac zinguc muwec: "Noni mi behecgupemu, â hone qâoma moc mi egarepemu." ⁶Irec nâñâc hâbi-nâñec rohuc zinguc munzepenen:

"Wofuñ e ñeñezic-nane,
no mi hâwicnuzejec;
ñic jañe wemo enareniñmu?"

Miti qazu-nârekicne ijaha bajuhuc Jesu bâjâpenzepenen

⁷Micne bapafâc-ñenji Anuture dâñ gaza qazuc embin jañere manasuhuc junzepien, erâ miti hata âteku hâmombin itirocne honehuc jañere bâjâpecne mamasaniñhec junzepien. ⁸Jesu Kristo e juweczi jukac ijaha jurazihuc juocmu sanag. ⁹Mu qaqazuc dâñ kosane hazec furu gâzapie izi maññenji mi hesifuckezejec; maññenji aki anonoczi ketegneme qin herâ fome biankeocmu, wiac nâkicnezi sâcne mi basanâñkeocmu. Hata i âtembinzi fârine mi bâfuambin. ¹⁰Nâñâcne alata ñekac, irec nânâ i qoruc boze kinañ qacneengopien jañe nâniñte mi mana-jarekicne. ¹¹Ñoñe manaengopien, qowi hezurâ soçjenji taha bapa sâkozi sâqocnere kinte furu ufunko bafeme fârine hae sahao bahurâ zoczi rikeengopien. ¹²Eme Jesu e iguc jaha soçticnezi ñic mañfuru bacnâpooche hae sahao qapie hâmowec. ¹³Irec nâñâc iguc jaha hae sahao erao hurâ, eki mimi faio fewec ijaha enzepenen. ¹⁴Zinguc manahuc enzepenen: Hae ñeñe sanag moc zira mi ñenârekac; moc juku fufuane irec mañhâhâñ enâreekac. ¹⁵Irec nâñâc Jesure erâ Anutu zuzuhuc jaha mumutenj ecnepene izi taha bâzi-ticne ezejec, micbipic-nâñecte fârine zâñe-ticne muac baafec enzepenen hâcne.

Muqâmoc dâñ

¹⁶Jaug â bâmec baninñte qâoma mi enzepien, Anutu e irec hâcne maname taha bâzi fârine eocmu. ¹⁷Micne bapafâc-ñenji jañere dâñ reñkehuc sâsec-jopanjepien; jañe mañ qâqâtâc-ñenji hone sonañ eengopienzi juku gie-ñenji fugne mutaniñkeniñmu. Irec gie-ñenji bubianko bapie sâcñeocmu, busâqocko bahapie ñoñero wiac sâcne mi biankeocmu.

¹⁸Ñoñe nâñere erâ numuhuc junzepien. Nâñe pectâc sasawa junañte

13:1 Joh 13:34; Pet II, 1:7 13:2 Rom 12:13; Pet I, 4:9; Fuf 18:3; 19:2, 3 13:3 Mat 25:36
13:4 Gal 5:19, 21; Efe 5:5 13:5 Sâc 31:6, 8; Jos 1:5; Tim I, 6:6 13:6 Mi Mâ 118:6 13:7 Kor I, 4:16
13:8 Kor I, 3:11; Bar 1:17 13:9 Efe 4:14; Rom 14:17; Kor II, 1:21 13:10 Heb 8:4, 5
13:11 Tah 16:27 13:12 Mat 21:39; Joh 9:22 13:13 Heb 11:26; 12:2 13:14 Heb 11:10; 12:22
13:15 Tah 7:12; Bin II, 29:31; Mi Mâ 50:14, 23; Jes 57:19; Hos 14:2 13:16 Fil 4:18
13:17 Tes I, 5:12; Ezek 3:17 13:18 Kor II, 1:12; Apo 24:16

30qac eengopenenji magnânecko bahac basaengopenen. ¹⁹ Nunumuzi baficnupie Wofunji bârisiecnume ñoñerao biac fâpemurâ ñaza sanan-kekopac.

²⁰ Wama Anutu e lama soñan sâko Wofun-ñâñec Jesu zâzâfic tofo sanan irec socte hâmockonec bârisiewec, ²¹ Anutu eki hâcne wiac biagne fune fune tahac-ñopahuc baafec-ñopame dânticne reñkenzepien, erâ e jahac maname sâckeekac i Jesu Kristore erâ ñoñerao bâfuazejec. Erao mumutenji mumutenj forazihuc juzejec sanan. Jâmbomac.

²² Âgofâc, no dâñ zoricne boc mi qâreñkepac, eme ñoñe uñsawan dâñ i manapie mi sâqoreocte esoc-ñopakopac. ²³ Erâ ñazape mananiñ, âgo-ñâñec Timoteo e firuembij, biac wareme jowape fanacmu. ²⁴ Micnefâc-ñeñic â mitiñic ñokac sasawa manasu-ñare-fârekopac. Italia mâreñkonec jañe manasu-ñarengopien. ²⁵ Aki anonoczi ñoñerao fofârezejec.